



Broj: 07-03-25-sl/17
Sarajevo, 22.02.2017. godine

SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
O v d j e

Predmet: Odgovor na zastupničko pitanje

Zastupnik u Skupštini Kantona Sarajevo Mirsad Pindžo, na 25. Radnoj sjednici Skupštine Kantona Sarajevo održanoj dana 07.02.2017. godine, u okviru tačke dnevnog reda "Zastupnička pitanja, inicijative i odgovori", postavio je sljedeće zastupničko pitanje:

"Tražim od Vlade Kantona Sarajevo da putem resornih ministarstava i drugih resornih kantonalnih organa dostavi sljedeće izvještaje:

- Ukupno ostvareni namjenski prihodi u budžetu Kantona Sarajevo u 2016. godini za vode, šume, poljoprivredno zemljište, zaštitu okoliša, saobraćaja, zaštite i spasavanja, civilne zaštite i dr.*
- Raspored namjenskih sredstava Programima, odlukama, zaključcima i dr. Vlade ili nadležnih resornih organa, kome, za koje namjene i iznose po korisnicima i programima,*
- Izvještaje o utrošku namjenskih sredstava svih korisnika, nosilaca realizacije programa i projekata pojedinačno,*
- Izvještaje nadležnih resornih organa o monitoringu i evaluaciji odobrenih programa i projekata."*

Odgovor:

Sredstva koja se prikupljaju po osnovu vodnih naknada prikupljaju se shodno „Pravilniku o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada (Službene novine Federacije BiH”, broj 92/07). Radi se o namjenskim sredstvima koja se mogu koristiti isključivo za razvoj vodoprivrednog sektora.

Sredstva koja prikupi Kanton Sarajevo, a koja nakon raspodjele shodno članu 177. Zakona o vodama (“Službene novine Federacije BiH”, broj 70/06) pripadaju Kantonu Sarajevo iznose 45% , što znači da 55% sredstava koristi Federacija BiH za svoje nadležnosti, a ta sredstva su prikupljena u Kantonu Sarajevo. Prema zakonu o vodama u nadležnosti Federacije su vodotoci I kategorije u koje spada rijeka Bosna i Željeznica i izvorišta čiji su kapaciteti veći od 10 lit/sec.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Sredstva koja pripadaju Kantonu Sarajevo nakon raspodjele vodnih naknada (iznos od 45%) realiziraju:

- Ministarstvo privrede samo u dijelu regulacije riječnih korita vodotoka II kategorije (cca 20%), a taj iznos u 2016. godini prema Budžetu Kantona Sarajevo iznosio je: 800.000,00 KM,
- Ministarstvo komunalne privrede (Ministarstvo prostornog uređenja-prije) koristi ostala sredstava od vodnih naknada, za svoje projekte iz oblasti vodosnabdijevanja stanovništva i privrede pitkom vodom, zatim prikupljanje, odvodnja, prečišćavanje i ispuštanje u recepijente otpadnih voda te zaštitu voda od zagađenja.

Program utroška sredstava prikupljenih po osnovu vodnih naknada na prijedlog dva ministarstva (Ministarstva privrede i Ministarstva komunalne privrede i infrastrukture) usvaja Vlada Kantona Sarajevo. Realizaciju projekata putem provođenja javnih nabavki vrše općine shodno zaključenim sporazumima sa navedenim Ministarstvima.

U Budžetu Kantona Sarajevo za 2016.godinu na poziciji IAU016 Zaštita vodotoka u Kantonu Sarajevo planiran je iznos od 800.000,00 KM. Također projekti koji su započeti u 2015. godini, a nisu realizirani su finansirani iz neutrošenih razgraničenih, namjenskih sredstava, a taj iznos je 1.115.700,00 KM. Civilna zaštita Kantona Sarajevo je iz svog Budžeta obezbijediti 400.000,00 KM za realizaciju ovog Programa. Ukupna sredstva koja će se realizirati u 2016. godini za projekte zaštite od poplava iznose 2.315.700,00 KM.

1. Općina Ilidža	400.000,00 KM
2. Općina Hadžići	340.000,00 KM
3. Općina Trnovo	320.000,00 KM
4. Općina Vogošća	300.000,00 KM
5. Općina Ilijaš	430.000,00 KM
6. Općina Novi Grad Sarajevo	470.000,00 KM
7. Ministarstvo privrede za KOP-a	55.700,00 KM
Ukupno za projekte u 2016. godini	2.315.700,00 KM

Sredstva u iznosu od 400.000,00 KM koje je obezbijedila Kantonalna uprava civilne zaštite su zajedno sa općinama realizirana nakon usvojenog Programa od strane Vlade KS, a evidenciju o realizaciji treba voditi KCZ-a Kantona Sarajevo.

Ministarstvo privrede je realiziralo sredstva u iznosu od 1.915.700,00 KM, a od tih sredstava realizirano je u 2016. godini iznos od **1.704.637,35 KM**, a ostala neutrošena sredstva se prenose u narednu 2017. godinu i raspoređiće se novim Programom.

U toku 2016. godine od budžetom predviđenih 506.000,00 KM prihoda od pretvaranja poljoprivrednog zemljišta u nepoljoprivredne svrhe, ista su ostvarena u iznosu od 465.000,00 KM od kojih su 406.321,00 KM razgraničena ili prenesena sredstva iz 2015. godine, a 59.703,00 KM su naplaćeni prihodi u toku 2016. godine.

Od ostvarenih 465.000,00 KM u toku godine, na ime provođenja mjera korištenja i uređenja poljoprivrednog zemljišta u inundacionim područjima utrošena su sredstva u iznosu od 345.000,00 KM.

Po osnovu Zakona o poticaju razvoja male privrede ("Službene novine Kantona Sarajevo", broj 29/15) u Budžetu Kantona Sarajevo za 2016. godinu - Ministarstvo privrede, na poziciji "Podsticaj razvoju male privrede" (ekonomski kod 614 300) planiran je iznos od 3.534.800 KM. Finansijska sredstva su osigurana na osnovu člana 11. Zakona o poticaju razvoja male privrede (u daljem tekstu: Zakon), za provođenje Godišnjeg plana provođenja Programa razvoja male privrede. Na osnovu Godišnjeg plana i



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Programa utroška sredstava sa kriterijima raspodjele sredstava "Poticaj razvoju male privrede" za 2016. godinu ("Službene novine Kantona Sarajevo", broj 20/16) ova sredstva namjenjena su kao poticajna sredstva za provođenje mjera i aktivnosti usmjerenih na ekonomski rast i razvoj subjekata male privrede (MSP) u Kantonu Sarajevo.

Izvršenje obaveza prema Godišnjem planu provođenja Programa razvoja male privrede za 2016. godinu, Programu utroška sredstava sa kriterijima raspodjele sredstava "Poticaj razvoju male privrede" za 2016. godinu i Budžetu Kantona Sarajevo za 2016. godinu - na poziciji "Podsticaj razvoju male privrede"

U skladu sa članom 4. Pravilnika o postupcima u provođenju Programa razvoja male privrede ("Službene novine Kantona Sarajevo", br. 17/16 i 30/16 - u daljem tekstu: Pravilnik), Ministarstvo privrede je raspisalo Javni poziv za izbor korisnika poticajnih grant sredstava, i isti objavilo dana 16.06.2016. godine u "Službenim novinama Kantona Sarajevo", broj: 24/16 i dnevnom listu "Avaz". Javni poziv je objavljen u skladu sa Programom utroška sredstava sa kriterijima raspodjele sredstava "Poticaj razvoju male privrede" za 2016. godinu i trajao je 30 dana. Javni poziv je dostavljen i objavljen na web stranicama Privredne komore Kantona Sarajevo i Udruženja poslodavaca. U 2016. godini provedene su sljedeće Odluke:

I Odluka o izboru korisnika poticajnih grant sredstava za 2016. godinu 246.555,34 KM

Odluka Vlade KS, broj broj: 02-05-26600-16/16 od 01.09.2016. godine ("Službene novine Kantona Sarajevo", broj 36/16) po osnovu slijedećih programa:

• **Program: Subvencioniranje kamata po preuzetim kreditima 52.253,04 KM**

Provođenjem Programa omogućeno je da se korisnicima kredita (MSP) odobrenim u komercijalnim bankama u 2013., 2014. i 2015. godini, a čija namjena je bila nabavka osnovnih sredstava, opreme i/ili finansiranje investicija za rast i razvoj subjekata male privrede, subvencionira dio troškova plaćene kamate (25% do 40% plaćenih troškova kamate na kredite sa efektivnom kamatnom stopom 5 do 7%) na odobrena kreditna sredstva koja imaju efektivnu kamatnu stopu u rasponu od 5 do 10%. Namjena odobrenih sredstava je za dalja ulaganja u obavljanje registrovane djelatnosti, o čemu korisnik subvencije dostavlja dokaz (izvod sa računa banke) uz Izvještaj o utrošku sredstava.

• **Program: Unapređenje institucijske preduzetničke infrastrukture 135.800,00 KM**

Ovaj Program podrazumijeva sufinansiranje programa/projekata nosioca Programa razvoja u skladu sa čl. 16. i 17. Zakona, odnosno Jedinica lokalne samouprave i Regionalne razvojne agencije SERDA u oblasti male privrede. Poticajna mjera podrazumijeva subvencioniranje troškova nosioca programa razvoja male privrede u postupku izgradnje business start up centara ili poslovnih inkubatora, ulaganja vezana za adaptaciju i/ili rekonstrukciju radi uređenja prostora business start up centra, poslovnog inkubatora, te pružanje stručne podrške i obuke, edukacije i promocije preduzetništva na području Kantona Sarajevo. Rok za implementaciju projekata i podnošenje Izvještaja o utrošku sredstava je 6 (šest) mjeseci od dana uplate sredstava na račun korisnika.

• **Program: Obrazovanje u preduzetništvu 35.000,00 KM**

Prihvaćen i odobren je program/projekt privrednog subjekta sa sjedištem na teritoriji Kantona Sarajevo, registrovanog za pružanje usluga u oblasti informaciono komunikacionih tehnologija, kojim je realizovan program/projekt intenzivne obuke i osposobljavanja, a kojim se omogućava poboljšanje kvaliteta i upotreba savremene informacijske i komunikacijske tehnologije. Dostavljeni projekat je namijenjen mladim i preduzetnicima početnicima, kojima je nakon provedene edukacije omogućeno da se bave djelatnostima baziranim na znanju i savremenim informaciono komunikacionim tehnologijama (IKT) sa krajnjim ciljem otvaranja start up subjekata male privrede.

• **Program: Unaprjeđenje rada udruženja obrtnika 12.000,00 KM**



web: <http://mp.ks.gov.ba>
e-mail: mp@mp.ks.gov.ba;
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Program je namjenjen za subvenciju finansiranja rada obrtnika. Obrtničke komore i udruženja obrtnika, razvoj i afirmaciju starih tradicionalnih zanata, očuvanje obrtničke tradicije, kulturnog i historijskog nasljeđa tradicionalnih i starih obrtničkih djelatnosti, edukacije i stručno osposobljavanje u cilju jačanja veza između obrazovnog sistema i obavljanja obrtničkih djelatnosti. Prihvaćena i odobrena je program/projekt Obrtničke Komore Kantona Sarajevo – OKKS, za održavanje radionica učenicima završnih razreda osnovnih škola na kojima su prezentovani stari tradicionalni zanati, kako bi se što više mladih u daljem školovanju opredjelilo za obavljanje ovih djelatnosti.

• **Program: Podrška u uvođenju i certificiranju kvaliteta i standarda EU 11.502,30 KM**

Program je namjenjen za subvencioniranje dijela troškova (u iznosu od 60% priznatih troškova) subjekata male privrede za konsultantske usluge ili edukaciju kod uvođenja sustava i standarda kvalitete, certificiranje sistema, certificiranje proizvoda CE oznaka kao dokaz o usklađenosti vlastitih proizvoda prema normama i smjernicama EU, troškove stjecanja prava upotrebe znaka ISO, HACCP, HALAL i drugih standarda u cilju afirmacije privrednih subjekata na domaćem i INO-tržištu. Namjena odobrenih sredstava je za dalja ulaganja u obavljanje registrovane djelatnosti i dalji proces usklađivanja vlastitih proizvoda prema normama i smjernicama EU, troškove stjecanja prava upotrebe znaka ISO, HACCP, HALAL i drugih standarda, o čemu korisnik subvencije dostavlja dokaz uz Izvještaj o utrošku sredstava.

II Program: Kreditiranje subjekata male privrede pod povoljnijim uslovima

Stvaranje konkurentnog, dinamičnog, inovativnog, zdravog i osposobljenog preduzetništva za održiv ekonomski rast i razvoj zahtjeva da privredni subjekti moraju imati adekvatan i konkurentan nivo tehnologije, opreme i kvalificirane radne snage, te u skladu sa tim privredni subjekti imaju potrebu za većim obimom finansijskih ulaganja. Visoka cijena kapitala ima za posljedicu da se veliki broj registrovanih privrednih subjekata nalazi u problemu na koji način osigurati finansijska sredstva za uredno obavljanje registrovane djelatnosti. Jedan od strateških ciljeva Vlade Kantona Sarajevo i Ministarstva privrede je unaprjeđenje dostupnosti izvorima finansiranja za privredne subjekte (MSP), a njegova realizacija predviđena je programom kreditiranja subjekata male privrede pod povoljnijim uslovima. U cilju realizacije navedenog Programa, Vlada Kantona Sarajevo je na prijedlog Ministarstva privrede donijela sljedeće Odluke:

1. Odluka o utvrđivanju ukupnog iznosa sredstava i visini subvencionirane kamatne stope, te zaključenju Ugovora sa Sarajevskom regionalnom razvojnom agencijom – za potrebe Kreditno – garantnog fonda SERDA 770.000,00 KM

Odluka Vlade KS, broj 02-05-25681-6/16 od 25.08.2016. godine ("Službene novine Kantona Sarajevo", broj 36/16). U cilju osnivanja, implementacije i realizacije Kreditno-granatnog fonda za privredne subjekte, ovom Odlukom Vlada Kantona Sarajevo je omogućila da se korisnicima kredita (MSP), koji se realizuju putem Sarajevske regionalne razvojne agencije u okviru Kreditno-granatnog fonda SERDA, subvencionira dio kamatne stope na odobrena kreditna sredstva. Visina subvencionirane kamatne stope na kreditna sredstva iznosi tri (3) p.p. (procentna poena) ugovorene kamatne stope na odobrena kreditna sredstva, za korisnike kredita čije je sjedište na području Kantona Sarajevo.

2. Odluka o utvrđivanju ukupnog iznosa sredstava i visini subvencionirane kamatne stope po osnovu Ugovora o poslovnoj saradnji sa BBI Bankom 1.930.000,00 KM

Odluka Vlade KS, broj: 02-05-30410-13/16 od 20.10.2016. godine ("Službene novine Kantona Sarajevo", broj 43/16). Na ovaj način omogućeno je korisnicima kredita obezbjeđenje finansijskih sredstava za investicije i osnovna sredstva (dugoročna finansiranja) i trajna obrtna sredstva do iznosa od 1.000.000,00 KM uz subvencioniranje dijela profitne marže (kamatne stope) u visini od tri (3) p.p. (procentna poena) ugovorene kamatne stope na odobrena kreditna sredstva, za korisnike kredita čije je sjedište na području Kantona Sarajevo.



web: <http://mp.ks.gov.ba>
e-mail: mp@mp.ks.gov.ba;
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



3. Odluka o zaključivanju Ugovora o privrednoj saradnji u svrhu obezbjeđenja sredstava za kreditno zaduživanje privrednih društava Bosansko – podrinjskog kantona Goražde uz povoljnije uslove finansiranja **300.000,00 KM**

Odluka Vlade KS, broj: 02-05-31753-14/16 od 10.11.2016. godine ("Službene novine Kantona Sarajevo", broj 46/16). Ovom Odlukom i Ugovorom o privrednoj saradnji Kanton Sarajevo – Ministarstvo privrede i Ministarstvo za privredu Bosansko – podrinjskog kantona Goražde obezbjeđuje se nastavak rada na realizaciji dogovorene strateške saradnje i ostvaruje se dalje poboljšanje saradnje u području privrede, postizanja održivog ekonomskog razvoja i ostvarivanje stimulativnog privrednog okruženja, pridajući poseban značaj razvoju ekonomije i ostvarivanju višestrukih efekata u privredi

III Očuvanje i razvoj tradicionalnih starih zanata i drugih obrta u Kantonu Sarajevo

1. Odluka o odobravanju sredstva iz Budžeta Kantona Sarajevo za 2016. godinu za sufinansiranje troškova manifestacije "Dani otvorenih vrata Obrtničke Komore Kantona Sarajevo" u organizaciji Obrtničke komore Kantona Sarajevo, broj: 07-04-14-10639-1/16 od 10.05.2016. godine **1.500,00 KM**

2. Odluka o dodjeli podsticajnih sredstava u skladu sa Uredbom o kriterijima i postupku za ostvarivanje prava na podsticajna sredstva za očuvanje i razvoj tradicionalnih i starih zanata-obrta, broj: 07-04-14-19683-11/15 od 29.12.2015. godine **98.440,00 KM**

U oblasti zanatstva-obrta u 2016. godini Ministarstvo privrede Kantona Sarajevo je, kao i prethodnih godina, u budžetu za 2016. godinu planiralo finansijska podsticajna sredstva za očuvanje i razvoj tradicionalnih i starih zanata-obrta u iznosu od 100.000,00 KM. Javni poziv je objavljen u dnevnom listu "Avaz" dana 20.07.2016. godine. Ukupno je primljen 231 zahtjev-prijava. Nakon provedenih postupaka u skladu sa Uredbom o kriterijima i postupku za ostvarivanje prava na podsticajna sredstva za očuvanje i razvoj tradicionalnih i starih zanata-obrta ("Službene novine Kantona Sarajevo", br. 15/10 i 29/11), donesena je Odluka kojom se utvrđuje lista od 214 obrtnika – zanatlija za dodjelu podsticajnih sredstva, u pojedinačnom iznosu od 460,00 (četiristotinešezdeset) KM.

Provedeni programi u 2017. godini su u skladu sa: Strategijom razvoja Kantona Sarajevo do 2020. godine ("Službene novine Kantona Sarajevo", broj 41/16), Zakonom o poticaju razvoja male privrede ("Službene novine Kantona Sarajevo", broj 29/15) i Pravilnikom o postupcima u provođenju Programa razvoja male privrede ("Službene novine Kantona Sarajevo", br. 17/16 i 30/16). U skladu sa Ugovorima između korisnika sredstava i Ministarstva privrede Kantona Sarajevo, a na osnovu člana 16. navedenog Pravilnika propisano je obavezno dostavljanje Izvještaja o implementaciji dodijeljenih sredstava, uz obavezan monitoring na polugodišnjem nivou, za programe projekte unapređenje institucijske preduzetničke infrastrukture. Monitoring po osnovu Programa subvencioniranja kamatne stope za kredite koji se realizuju putem Sarajevske regionalne razvojne agencije u okviru Kreditno-granatnog fonda SERDA i Program kreditiranja subjekata male privrede putem banke, tj. kreditne linije uz subvencioniranje dijela kamatne stope se provodi do kraja narednog polugodišta za proteklo polugodište uz dostavljanje cjelokupne dokumentacije putem koje će se moći utvrditi namjensko trošenje sredstava u skladu s ugovorom između banke i Korisnika sredstava. Obzirom da još nije završen postupak obrade svih zahtjeva i dodjele kreditnih sredstava po osnovu javnog poziva subjektima male privrede (MSP) za dodjelu kreditnih sredstava proces evaluacije i monitoringa je planiran za mjesec jun/juli 2017. godine.

Budžet Uprave za šumarstvo u cijelosti čine namjenska sredstva, i to razgraničena sredstva iz 2015. godine u iznosu od 5.651.462,68 KM i prikupljena sredstva tokom 2016. godine u iznosu od



web: <http://mp.ks.gov.ba>
e-mail: mp@mp.ks.gov.ba;
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



5.343.069.07 KM. Radi se o sredstvima koja se prikupljaju po osnovu opće korisnih funkcija šuma ekonomski kod 722450 i ekonomski kod 722540.

Na osnovu Operativnog plana za 2016. godinu planirana su sredstva:

- a) na poziciji tekući transferi u iznosu od 35.000,00 KM koji se odnose na transfere pojedincima u iznosu od 5.000,00 KM i neprofitnim organizacijama u iznosu od 29.900,00 KM;
- b) na poziciji kapitalni transferi – kapitalni projekti iz šumarstva KJP za gospodarenje državnim šumama „Sarajevo-šume“ doo Sarajevo u iznosu od 8.460.762,00 KM.

Na osnovu Zakona o šumama Kantona Sarajevo („Službene novine Kantona Sarajevo“, broj 5/13) planirana je nabavka opreme-licence (izrada šumsko-gospodarske osnove i izrada kantonalnog šumsko razvojnog plana) u iznosu od 241.177,00 KM.


- a) **Tekući transferi – realizacija:** transferi pojedincima utrošeno 4.999,41 KM (ekonomski kod 614239) odnosno transferi neprofitnim organizacijama utrošeno 29.900,00 KM (ekonomski kod 614311),
- b) **Kapitalni transferi – realizacija:** transferi KJP „Sarajevo-šume“ za projekte iz različitih oblasti šumsko-uzgojnih radova utrošeno 5.297.705,24 KM za 63 projekta.
- c) **Nabavka opreme-licence – realizacija:** za izradu šumsko gospodarske osnove i kantonalnog šumsko razvojnog plana utrošeno je 115.769,65 KM.

Tekući izdaci organa uprave iznose 1.144.282,27 KM.

Razgraničena sredstva za 2017. godinu iznose 4.236.095,53 KM (u razgraničena sredstva uključeni su i dati avansi za 32 projekta u iznosu od 1.398.000,00 KM).

Dostavljeno:

- Naslovu
- Evidencija
- a/a



MINISTAR

Dr Muharem Šabić



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

